

Pyromanien

I hob heit wieder nixn do,
des war ois scho wieder zvui
ja des is ois so ungerecht,
und so schwar ganz ohne Zui

Schaff ma uns an Grund o,
dann kemma wieder lacha
du derfst des net so eng seng,
ma muaß grad irgendetwas macha

Bleib leicht bleib frei bleib unerreich,
sieh´g nix anders ei,
Du bist da größt du bist da Best,
Wos anders kann gar net sei

Dei Theater,
dei Bühne, dei Verstand
Deine Meinung,
hot vor allem andern Vorrang.

Weil Nachts sann olle Ratten gleich
ob schwarz ob weiß is egal
a jeder muaß do mitspuin
kam oana hot a Wahl

Egomanen, Pyromanen,
Spieler und Huren,
da Einsatz steht, die Kugel rollt
und na an Deckel zua.
Noch uns kimmt de Sintflut
doch Hauptsach uns geht´s guat
Wichtig iss daß´d oben schwimmst
dasauffa dean scho gnuat

In Pyromanien --- do zündten´s d´Leit o
Pyromanien

Pyromanien II

Oh heiliger St. Florian,
du Wasserküblmann,
verschon unser Haus,
zündt andere an

Brenna soi ois
dann wird eahna scho warm
denn koana soi song,
er war im Finstern gstorbn

Weil Nachts sann olle Ratten gleich
ob schwarz ob weiß is egal --- so scheißegal
a jeder muaß do mitspuin
kam oana hot a Wahl

Egomanen, Pyromanen,
Spieler und Huren,
da Einsatz steht, die Kugel rollt
und na an Deckel zua.
Noch uns kimmt de Sintfluat
doch Hauptsach uns geht's guat
Wichtig iss daß'd oben schwimmst
dasauffa dean scho gnua

In Pyromanien --- do zündten´s d'Leit o
Pyromanien